



Na osnovu Zaključka Vlade Zeničko-dobojskog kantona o usvajanju Programa utroška budžetskih sredstava u 2020. godini (Subvencije privatnim preduzećima i poduzetnicima) (Ostale subvencije preduzećima za saniranje štete u privredi uzrokovanih pandemijom COVID-19), broj: 02-11-6347/20 od 08.05.2020. godine i broj: 02-11-17214/20 od 23.10.2020. godine, a u skladu sa Zakonom o sistemu državne pomoći („Službeni glasnik Bosne i Hercegovine“, broj: 10/12, 39/20) i članovima 12. i 13. Uredbe o uslovima i postupku za dodjelu pomoći male vrijednosti-de minimis pomoć („Službene novine Federacije Bosne i Hercegovine“, broj: 27/18), Ministarstvo za privredu, raspisuje

JAVNI POZIV
za prikupljanje zahtjeva za odobravanje i dodjelu (refundiranje)
sredstava poticaja namjenjenih regresiranju
kamata na kredite

1. Pozivaju se privredni subjekti registrovani u Zeničko-dobojskom kantonu, koji investiciju realiziraju na prostoru Zeničko-dobojskog kantona, kreditom komercijalnih banaka iz Bosne i Hercegovine, da podnesu zahtjev za odobravanje i dodjelu (refundiranje) nepovratnih finansijskih sredstava, obezbjedenih za regresiranje uplaćenih kamata.
Vlada Kantona će subvencionirati uplaćene kamate za kredite odobrene u 2020. godini u iznosu koji će nominalno iznositi maksimalno 10.000,00 KM za period od 01.01.2020. godine do 30.09.2020. godine.
2. Pod investicijom, podrazumjeva se isključivo:
 - kupovina, izgradnja, uređenje i proširenje objekata, nabavka stalnih sredstava (mašine i oprema) za obavljanje registrovane djelatnosti iz područja D po staroj Standardnoj klasifikaciji djelatnosti (ili C po novoj Standardnoj klasifikaciji djelatnosti) – Prerađivačka industrija,
 - kupovina, izgradnja, uređenje i proširenje objekata, nabavka stalnih sredstava (mašine i oprema) za obavljanje registrovane djelatnosti iz područja J po staroj Standardnoj klasifikaciji djelatnosti (ili I po novoj Standardnoj klasifikaciji djelatnosti)- Djelatnost pružanja smještaja te pripreme i usluživanja hrane (hotelijerstvo i ugostiteljstvo),
 - kupovina, izgradnja, uređenje i proširenje objekata, nabavka stalnih sredstava (mašine i oprema) za obavljanje registrovane djelatnosti iz područja M-Administrativne i pomoćne uslužne djelatnosti-oblast 79 po staroj Standardnoj klasifikaciji djelatnosti (ili N po novoj Standardnoj klasifikaciji djelatnosti),
 - finansiranje tekuće likvidnosti i obrtnih sredstava za obavljanje registrovane djelatnosti iz područja J po staroj Standardnoj klasifikaciji djelatnosti (ili I po novoj Standardnoj klasifikaciji djelatnosti)- Djelatnost pružanja smještaja te pripreme i usluživanja hrane (hotelijerstvo i ugostiteljstvo),
 - finansiranje tekuće likvidnosti i obrtnih sredstava za obavljanje registrovane djelatnosti iz područja M-Administrativne i pomoćne uslužne djelatnosti-oblast 79 po staroj Standardnoj klasifikaciji djelatnosti (ili N po novoj Standardnoj klasifikaciji djelatnosti).
3. Pravo korištenja poticajnih sredstava imaju isključivo privredni subjekti (pravna i fizička lica) registrirani u Zeničko-dobojskom kantonu, koji po odobrenom kreditu u 2020. godini uredno vraćaju kredit (uplaćuju rate i kamate).
Pod privrednim subjektima podrazumijevaju se privredna društva i subjekti iz obrtničkih djelatnosti, koji se bave djelatnošću iz navedenih područja iz tačke 2. ovog Javnog poziva i koji ispunjavaju uslove definisane članom 2. Zakona o poticanju razvoja male privrede („Službene novine Zeničko-dobojskog kantona, broj: 7/16 i 7/20).

Subvencioniranje kamata se neće odobriti za kredite ili dio kredita koji su namjenjeni reprogramiranju drugih kredita.

4. Jedan privredni subjekt može koristiti više vrsta poticaja Ministarstva za privredu Zeničko-dobojskog kantona po osnovu Javnih poziva objavljenih dana 26.10.2020. godine na web stranici Kantona, ali pod uslovom da ukupno odobreni iznos ne prelazi 30.000,00 KM. Pravo na subvenciju po Javnom pozivu ne može ostvariti privredni subjekt koji je po istom osnovu i za istu namjenu ostvario subvenciju, donaciju ili drugu finansijsku pomoć iz drugih izvora.
5. Zahtjev mora sadržavati slijedeće podatke: naziv i sjedište podnosioca zahtjeva, ime i prezime odgovornog lica, mjesto i datum podnošenja zahtjeva, naznaku Javnog poziva za koji se aplicira, podatak o iznosu i namjeni odobrenog kredita, podatak o iznosu uplaćene kamate, naznaku da za isti osnov i namjenu nije ostvario subvenciju, donaciju ili drugu finansijsku pomoć iz drugih izvora, pobrojanu i brojevima označenu dokumentaciju koja se dostavlja u prilogu zahtjeva i potpis i pečat podnosioca zahtjeva.
6. Zahtjevi korisnika sredstava poticaja Ministarstva za privredu koji nisu opravdali ranije dodjeljena sredstva ili nisu uredno opravdali dodjeljena sredstva, neće se uzeti u razmatranje.
7. Uz Zahtjev iz tačke 5. Javnog poziva privredni subjekt dostavlja (original ili ovjerenu kopiju):
 - Ugovor s Bankom za kredit odobren u 2020. godini sa otplatnim planom kredita na ime podnosioca zahtjeva. Iz Ugovora mora biti vidljiva namjena za koju je dodjeljen kredit;
 - Potvrda Banke o redovnoj otplati kredita i uplaćenim kamatama sa iznosom uplaćenih kamata za 2020. godinu,
 - Odobrenje za obavljanje djelatnosti ili odgovarajući akt nadležnog inspeksijskog organa,
 - Obavještenje o razvrstavanju privrednog subjekta prema djelatnosti izdatog od Federalnog zavoda za statistiku;
 - Bilans stanja i uspjeha za 2019. godinu ovjeren od nadležnog organa;
 - Sudsko rješenje o registraciji (prva registracija i aktuelni izvod) ili Odobrenje-rješenje za obavljanje registrovane djelatnosti izdato od nadležnog općinskog organa;
 - Uvjerenje o poreznoj registraciji;
 - Uvjerenje od Porezne uprave FBiH o izmirenju direktnih poreza i doprinosa (PIO/MIO i zdravstveno osiguranje) sa brojem ili popisom osiguranih osoba-matična evidencija - ne starije od 60 dana u odnosu na dan podnošenja zahtjeva;
 - Uvjerenje o uredno izmirenim obavezama po osnovu PDV-a (ukoliko je podnosilac po Zakonu o porezu na dodatu vrijednost u sistemu, ukoliko nije dostaviti Izjavu da privredni subjekt nije u sistemu PDV-a, ovjerenu od strane nadležnog upravnog organa) - ne starije od 60 dana u odnosu na dan podnošenja zahtjeva;
 - Upotrebne dozvole za kupljena sredstva rada i/ili izgrađeni objekat, izdate od nadležnog organa;
 - Dokaz o utrošku kreditnih sredstava za finansiranje likvidnosti i obrtnih sredstava;
 - Uvjerenje Komercijalne banke da je žiro račun aktivan, ne starije od 60 dana u odnosu na dan podnošenja zahtjeva;
 - Potpisanu i ovjerenu Izjavu o ranije primljenim državnim pomoćima DE MINIMIS, koje su podnosiocu zahtjeva dodjeljene u tekućoj i prethodne dvije fiskalne godine u skladu sa Zakonom o sistemu državne pomoći u BiH ("Službeni glasnik BiH", broj: 10/12, 39/20) i Uredbe o uslovima i postupku za dodjelu pomoći male vrijednosti-de minimis pomoć („Službene novine Federacije Bosne i Hercegovine“, broj: 27/18) (Obrazac Izjave može se preuzeti sa web stranice Vlade ZDK – www.zdk.ba).

8. Komisija Ministarstva za privredu poštujući hronologiju prijema u protokolu Kantona pregledat će pristigle Zahtjeve.
9. Na osnovu prijedloga Komisije, Ministarstvo za privredu će predložiti Vladi Kantona donošenje Odluke o odobravanju i dodjeli (refundaciji) sredstava poticaja namjenjenih regresiranju kamata na kredite poštujući hronologiju prijema Zahtjeva, a sve do utroška raspoloživih sredstava.
10. Odluka Vlade bit će objavljena na web stranici Kantona.
11. Na osnovu donesene Odluke o odobravanju i dodjeli (refundaciji) sredstava poticaja namjenjenih regresiranju kamata na kredite, Ministarstvo za privredu podnosi naloge za isplatu sredstava Ministarstvu finansija ZDK.
12. Zahtjev iz tačke 4. Javnog poziva sa priložima u zatvorenoj koverti, privredni subjekti dostavljaju na adresu:

**ZENIČKO-DOBOJSKI KANTON
MINISTARSTVO ZA PRIVREDU**

Kučukovići br. 2

72 000 Zenica

Sa naznakom:

“Prijava na Javni poziv za prikupljanje zahtjeva za odobravanje i dodjelu (refundiranje)
sredstava poticaja namjenjenih regresiranju
kamata na kredite”

13. Javni poziv ostaje otvoren 20 dana od dana objavljivanja na web stranici Kantona.